



জনসংযোগ কার্যালয়
জাহাঙ্গীরনগর বিশ্ববিদ্যালয়
সাভার, ঢাকা, বাংলাদেশ
ফোন: ৭৭৯১০৪৫-৫১



প্রেস বিজ্ঞপ্তি

জাহাঙ্গীরনগর বিশ্ববিদ্যালয় 'গণহত্যা দিবস' পালিত ॥

ঘৃণ্য ও ভয়াল গণহত্যার স্মৃতি আজীবন মানুষের মনে অম্লান হয়ে থাকবে

-উপাচার্য অধ্যাপক ড. ফারজানা ইসলাম

জাহাঙ্গীরনগর বিশ্ববিদ্যালয়, ২৫ মার্চ ২০২১।

২৫শে মার্চকে 'গণহত্যা দিবস' হিসেবে আন্তর্জাতিক স্বীকৃতির দাবিতে জাহাঙ্গীরনগর বিশ্ববিদ্যালয়ে মোমবাতি প্রজ্জ্বলন করা হয়েছে। দিবসটি উপলক্ষ্যে বিশ্ববিদ্যালয় প্রশাসনের আয়োজনে সন্ধ্যা সাতটায় ২৫শে মার্চের শহিদদের স্মৃতির প্রতি শ্রদ্ধা জ্ঞাপন ও বাংলাদেশের স্বাধীনতার সম্মান ধরে রাখার প্রতিশ্রুতিতে বিশ্ববিদ্যালয়ের শহিদ মিনার চত্বরে মোমবাতি প্রজ্জ্বলন করা হয়। এসময় অনলাইনে যুক্ত হয়ে উপাচার্য অধ্যাপক ড. ফারজানা ইসলাম ২৫শে মার্চকে আন্তর্জাতিক গণহত্যা দিবস হিসেবে স্বীকৃতি প্রদানের দাবি জানান। তিনি বলেন, এই ঘৃণ্য ও ভয়াল গণহত্যার স্মৃতি আজীবন মানুষের মনে অম্লান হয়ে থাকবে। ১৯৭১ সালের ২৫শে মার্চের গণহত্যা পাকিস্তানী বর্বর শাসকদের ঘৃণ্য ইতিহাসের অংশ হয়ে আছে।

অনুষ্ঠানে এ সময় প্রো-উপাচার্য (প্রশাসন) অধ্যাপক ড. মো. আমির হোসেন, প্রো-উপাচার্য (শিক্ষা) অধ্যাপক ড. মো. নূরুল আলম, কোষাধ্যক্ষ অধ্যাপক শেখ মো. মনজুরুল হক, বিভিন্ন অনুষদের ডিন, ভারপ্রাপ্ত রেজিস্ট্রার এবং বিশ্ববিদ্যালয়ের অন্যান্য শিক্ষক, কর্মকর্তা এবং কর্মচারীগণ উপস্থিত ছিলেন।

দিবসটি উপলক্ষে রাত নয়টা থেকে নয়টা এক মিনিট পর্যন্ত জরুরি স্থাপনা ছাড়া বিশ্ববিদ্যালয়ের সকল জায়গায় প্রতীকী "ব্লাক-আউট" কর্মসূচি পালন করা হয়। এছাড়াও বাদ আসর বিশ্ববিদ্যালয়ের কেন্দ্রীয় মসজিদসহ আবাসিক এলাকার মসজিদসমূহে এবং অন্যান্য ধর্মীয় উপাসনালয়ে শহিদদের আত্মার শান্তি কামনায় বিশেষ মোনাজাত ও প্রার্থনার আয়োজন করা হয়।

মো. আবদুস সালাম মিঞা
পরিচালক (ভারপ্রাপ্ত)

